

Mostra de media audiovisuel "Black Box"

tla sala mostra dl Circolo Urtijëi

Giaurida: Movie night 17.05.2024 dala 19:00

Dureda dla mostra: 18.05.—07.06.2024

Orar de giaurida:


merdi – venderdi: 17.00–20.00

sada y dumënia: 10.00–12.00 y 17.00–20.00

"Ie son n auter" vën metù ora dal Circolo te na forma de Blackbox. Per trëi enes, chësta Blackbox mostra na selezion de video y films curc. Ispirei dala frasa cunesciuda de Arthur Rimbaud, i video y films curc mustrei ti va do ala urità fundamentela che nëus ne son nia da sëui. Nëus capion nëus nstësc y nosc ntëurvia tres nosta relaziions cun i autri, tres l'oposizion dl Auter, tres l dialogh y l barat.

I video y i films curc tla Blackbox mostra la diversità dla relaziions danter la persones. Da na ancunteda intima ala dinamiche de na grupa – n vëija mumënc defrënc, interaziions y emozions dla persones. Uni opra conta na storia che pea ite la cumplexità y la belëza dla relaziions. Ma la relaziions ne nasc nia mé danter persones. La mostra nvieia nce a esploré i liams danter sozietà, cultures y natura.

La Blackbox dl Circolo gëura na lerch per chi che ti cëla, per se lascé ispiré dala esperienzes individueles dla persones y se cunfrunté cun la tematiches dla mostra. Te n mond, ulache la defrënzes giata suvënz plu mpurtanza, la mostra nes lecorda che nosta umanità sta tla maniera de se cunlië ai autri. La mostra nvieia a scuvrì se nstësc tla stories di autri, a se identifiché cun la emozions y la esperienzes di personajes y a esploré i liams che se tën adum.



Circolo Artistico e Culturale – Ortisei

Piazza S. Antonio 102

I – 39046 Ortisei (BZ)

Tel. 377-5936350

info@circolo.eu